



Arkivnr: 2016/9170-41

Saksbehandlar: Nils Skavhellen

Saksframlegg**Saksgang**

Utval	Saknr.	Møtedato
Yrkessopplæringsnemnda		21.11.2017
Utval for opplæring og helse		28.11.2017
Fylkesutvalet		07.12.2017

**Justering av tilleggsSpoeng for musikalsk dugleik ved inntak til Vg1
Musikk/Dans/Drama****Samandrag**

I inntaksforskrifta §6-11 er det gitt høve til å gje tilleggsspoeng for inntak til Vg1 Musikk, Dans og Drama (MDD) på bakgrunn av dugleik, i tillegg til ordinære karakterpoeng fra ungdomsskulen.

Fram til no har tilleggsspoeng blitt gitt etter ein skala på 5, 10 og 15 karakterpoeng til MDD. Dette vart vedtatt av fylkesutvalet i desember 2010, og har sidan vore uendra.

Særleg ved inntaket i 2017, men også tidlegare, har det vore stilt spørsmål om ovannemnde skala for tilleggsSpoeng har vore tenleg. Fylkesrådmannen har tatt dette opp med skulane som har MDD-programmet, og særleg med Langhaugen videregående skole som har langt fleire søkerar enn det er plassar.

Konklusjonen har vore tydeleg på at skalaen på tilleggsSpoeng har vore for høg og ført til at fagleg svært sterke søkerar ikkje har fått tilbod om plass fordi mange får høge tilleggsSpoeng.

Fylkesrådmannen tilrår etter dette ei justering av tilleggsSpoenga slik at skalaen blir endra til 3 – 6 - 9 poeng.

Økonomi: Ingen effekt**Klima:** Ingen effekt**Folkehelse:** Ingen effekt**Regional planstrategi:** Ingen effekt**Forslag til innstilling**

Ved søknad til Vg1 Musikk/Dans/Drama kan det frå skuleåret 2018/2019 gjevast tilleggsSpoeng etter følgjande skala:

3 poeng: Søkjaren viser god dugleik og utover gjennomsnittet.

6 poeng: Søkjaren viser dugleik som vidarekomen og eit stort potensiale.

9 poeng: Skal berre gjevast til søkerar som viser framifrå dugleik og eit uvanleg stort potensiale.

Rune Haugsdal
fylkesrådmann

Svein Leidulf Heggheim
fylkessjef opplæring

Saksframlegget er godkjent elektronisk og har derfor ingen underskrift.

Fylkesrådmannen, 23.10.2017

Inntaksforskrifta § 6-11 gir høve til å gje tilleggsSpoeng til søkerar som ynskjer plass ved Vg1 Musikk/Dans/Drama (MDD) og Idrettsfag.

I denne saka blir det berre tilrådd justering av tilleggsspoenga til MDD.

Tal tilleggsSpoeng har vore justert av fylkesutvalet fleire gonger sidan inntaksforskrifta opna for dette i REFORM'94. Siste justering vart gjort av fylkesutvalet i desember 2010. Den justeringa avløyste vedtak frå 2006.

Årsaka til at ein kan gje tilleggsSpoeng for musikalsk dugleik, er at søkerar med særskilt kompetanse innanfor musikk skal få høve til å få plass ved dette utdanningsprogrammet. Talet på tilleggsSpoeng må likevel ikkje setjast så høgt at fagleg sterke elevar ikkje får høve til å konkurrere seg inn på vanleg måte. Det er det siste ein meiner no har skjedd, og grunnen til dette er at særleg Langhaugen videregående skole har så mange søkerar med høg kompetanse innanfor musikk, at maksimaltalet 15 tilleggsSpoeng er gitt til fleire søkerar enn det som var meint ved justeringa i 2010.

Dei siste åra har nedre poenggrense for inntak til Vg1 MDD på Langhaugen videregående skole lege over 50 poeng. I 2017 vart det kravd ca. 55 poeng for å få plass ved dette utdanningsprogrammet ved skulen (Stord vidaregåande skule/Voss gymnas har færre søkerar enn det er plassar, så talet på tilleggsSpoeng har difor ikkje hatt noko å bety for inntaket til desse to skulane). Nesten alle søkerane som fekk plass på Langhaugen videregående skole til skuleåret 2017/2018, fekk tilleggsSpoeng, og ni av desse fekk 15 poeng.

Dette førte til at godt kvalifiserte søkerar med svært høg karakterpoengsum frå ungdomsskulen ikkje fekk plass fordi dei ikkje oppnådde tilleggsSpoeng. Dette blir feil. MDD er eit studieførebuande utdanningsprogram, og sjølv om det sjølv sagt er ynskjeleg med elevar som har høg kompetanse på instrument eller song, kan det ikkje vere slik at andre fagleg sterke søkerar blir «utestengde» frå dette utdanningsprogrammet. Inntaksforskrifta § 6-11 seier også at berre inntil 50% av søkerane kan takast inn etter musikalsk dugleik.

I saka frå 2010 er det sagt at poengskalaen 5 – 10 – 15 skal nyttast slik: 5 poeng for dugleik og talent over gjennomsnittet, 10 poeng for dugleik og talent vesentleg over gjennomsnittet og 15 poeng for særleg dugleik og talent.

Poengskalaen for dugleik innanfor idrett er 3 – 5 - 7. Dette er lettare å vurdere med dokumentasjon av idrettsbakgrunn enn vurdering ved bruk av skjøn av tilleggsSpoeng til MDD.

TilleggsSpoenga for Vg1 Musikk må gjerast etter skjøn, og det er faglærarane ved skulane som gjer vurderinga. Fylkesrådmannen har vurdert om ein bør nytte same skala for MDD som til Idrett, men har kome til at det er meir høveleg med 3 – 6 - 9 når det skal nyttast skjøn framfor dokumenterte resultat.

Det vil vere utfordrande å gje tilleggsSpoeng for oppnådd resultat til MDD slik det er til idrett. Det må i staden leggjast større vekt på dugleik og potensiale. Fylkesrådmannen har tru på at dei faglærarane som skal gje tilleggsSpoeng, har den faglege kunnskapen for å få eit godt bilet av dugleiken til søkeren. Det blir difor tilrådd 3 poeng for god dugleik utover gjennomsnittet, 6 poeng for framifrå dugleik og stort potensiale. 9 poeng skal berre kunne gjevast unntaksvis til søkerar som viser framifrå dugleik og eit uvanleg stort potensiale.

Med framlegget til den nye skalaen vil det slik føresetnaden er i inntaksforskrifta, også bli tatt inn fleire fagleg sterke søkerar utan tilleggsSpoeng. Dette vil vere bra fordi utdanningsprogrammet MDD først og fremst er eit studieførebuande program som skal gje kompetanse for inntak til høgre utdanning, og ikkje eit tilbod til ei relativt lita gruppe som er spesielt interesserte og dyktige innanfor den musikkfaglege delen av utdanningsprogrammet.